

遂趨長安使太不花屯守之遣安赤將兵斷潼關

寶慶二年冬十二月元主臨殂謂左右曰金精兵在潼關南據連山北限大河難以遽破宜假道於宋宋金世仇必能許我我下兵唐鄧直抵於汴汴必徵兵潼關然以數萬之衆千里赴援人馬疲敝雖至弗能戰破之必矣言訖而殂

端平元年七月趙葵帥師會全子才於汴葵謂子才曰我輩始謀據潼關守河今已抵汴半月不急攻洛陽潼關何待耶元人聞宋來爭河南引師赴之決黃河寸金淀之水以灌宋師宋師多溺死

潼關縣新志

兵事志

十一

元至正十五年九月汝穎賊率武在應等攻陷潼關參政迷律傑戰死豫王何刺忒納失里同知樞密院使定住引兵復潼關河南平章伯家奴以兵守之未幾寇復陷潼關伯家奴兵潰豫王復以兵取之李武崔德敗走十七年二月李武崔德陷七盤藍田命察罕帖木兒以軍會答兒麻木兒守陝州潼關哈喇不花由潼關抵陝西會豫王定住同進討二十七年十二月詔分潼關以西屬李思齊以東屬擴廓帖木兒各罷兵還鎮於是關保保退屯潞州留兵屯潼關

明太祖洪武元年三月命中山王徐達爲大將軍帥甲士

五萬北平中原自河南至陝州李思齊張良弼會兵駐潼關火焚良弼營思齊移軍葫蘆灘調其所部張得欽薛穆飛守潼關達命宋國公馮勝等拔之兵入潼關攻李思齊營思齊棄輜重奔鳳翔四月以都督郭儉郭子興鷹揚衛指揮于光威武衛指揮金興旺守之八月元兵攻潼關于光持稍大呼橫貫其陣郭子興乘勝奮擊大破之

崇禎十六年十月督師孫傳庭東征失利奔關拒守逆闖李自成弟一隻虎陷閿鄉疾走至關獲督師大纛以給守關者乘間突入自成間道緣出關後夾攻城遂陷監軍喬遷高千戶席蔭指揮張爾猷及李繼祖盛昶之袁化龍孫

潼關縣新志

兵事志

十一

升基等俱死之

清順治二年正月豫王率總督李延齡渡孟津營舊閿鄉逆賊李自成率衆百萬拒關令偽汝侯劉宗敏營董社原豫王令炮擊大潰自成堅壁守之後英王由邊抵延安自成懼奔西安留偽巫山伯馬世耀守關豫王由金盆坡下安十有八營至寺南世耀詐降夜遣使潛通自成爲伏路將官所擒王僞出獵安兵金盆坡口令設筵宴世耀擒斬之

宣統三年九月陝西起義鄉俠馬耀群率衆襲關廩生徐國禎等應於內城遂克協臺桂和被執道臺瑞清遁走不

數日清廷派陸軍至入關後旋因子彈不給引去陝軍逐之逮澠池陸軍已得子彈回首反攻一日夜踣三百餘里復取關城占領之會袁項城有異謀制止前進未幾而共和告成矣逮民國攻守頻仍迭爲賓主雖有得失無關興亡不必書抑亦不暇書矣

潼關縣新志

兵事志

藝文志

出關詩

唐魏徵

中原還逐鹿投筆事戎軒縱橫計不就慷慨志猶存策杖謁天子驅馬出關門請纓繫南越憑軾下東藩鬱紆陟高岫出沒望平原古木鳴寒鳥空山啼夜猿旣傷千里目還驚九折魂豈不憚艱險深懷國士恩季布無二諾候嬴重一言人住載意氣功名誰復論

題潼關樓

崔灝

客行逢雨霽歇馬上津樓山勢雄三輔關門扼九州川從峽路去河繞華陰流向晚登臨處風煙萬里愁

潼關縣新志

藝文志

入潼關

張祐

都城三百里雄險此迴環地勢遙尊嶽河流側讓關秦皇曾虎視漢祖昔龍顏何處梟雄輩干戈自不閒

秋日赴闕題潼關驛樓

許渾

紅葉晚蕭蕭長亭酒一瓢殘雲歸太華踈雨過中條樹色隨山迥河聲入海遙帝鄉明日到猶自夢漁樵

行次潼關題驛後軒

飛閣極層臺終南此路迴山形朝闕去河勢抱關來雁過秋風急蟬鳴宿霧開平生無限意驅馬任塵埃

潼關蘭若

來往幾經過前軒枕大河遠帆眷水闊高寺夕陽多蝶影
下紅葉鳥聲喧綠蘿故山歸未得徒咏採芝歌

潼關河亭

薛逢

重岡如抱嶽如蹲屈曲秦川勢自尊天地并功開帝宅山
河相湊束龍門櫓聲嘔軋中流渡柳色微茫遠岸村滿眼
波濤終古事年來惆悵與誰論

過潼關

溫庭筠

地形盤曲帶河流景氣澄明是勝遊十里曉雞關樹暗一
行寒雁隴雲愁片時無事溪泉好盡日凝眸嶽色秋塵尾
角巾應曠望更嗟芳謁隔秦樓

潼關縣新志

藝文志

二

次潼關寄張十二閣老使君賈

韓愈

荆山已去華山來日出潼關四扇開刺史莫辭迎候遠相
公親破蔡州迴

風陵渡

元趙子貞

一水分南北中原氣自全雲山連晉壤煙樹入秦川落日
黃塵起晴沙白鳥眠輓輸今正急忙殺渡頭船
二月風陵渡頻年兩見過羽書勞驛騎民力困徵科春到
花纔發愁來鬢欲皤烽煙殊未息天意竟如何

登潼關城樓東諸指揮

明王傳

層城樓閣枕山河落日登臨感慨多虎豹當關通紫氣魚

龍吹浪見黃河百年鎖鑰神京路一劍風塵猛士歌北徼
狼烟猶報警元戎何以淨干戈

再入潼關

楊一清

三秦人迺使車還玉勅金符曉度關轉覺臣身衰似柳可
勝君命重於山籌邊亭在頌新令體國堂深識舊顏多少
前賢經濟略千年逸駕苦難攀

秋日登潼關樓

張稊

歷盡峭函到此關天開絕境落雲間山谿有險湯池固刁
斗無聲漢戍閒萬里澄清浮爽氣一時談笑破愁顏閭閻
士女謳歌遍劍閣新傳奏凱還

潼關縣新志

藝文志

三

題潼關

李夢陽

咸東天險設重關閃日旌旗虎豹閒隘地黃河吞渭水炎
天白雪壓秦山舊京想像千官入餘恨逡巡六國還滿眼
非無棄繻者寄言軍吏莫噴顏

雄關虎踞

林雲翰

西上秦川百二山雄關虎踞控三藩重岡疊嶂縈紆遠歧
路懸崖曲折還行旅謾勞問夜柝隱賢今喜待朝班等閑
莫起耿耿視爲問青牛更往還

禁溝龍湫

禁溝山下有靈源一脉淵深透海門龍仰鏡天曠霧氣魚

穿石斃動苔痕四時霖雨資農望千里風雲幹化元乘興
登臨懷勝跡載將春酒醉芳尊

譙樓晚照

譙樓百尺倚晴空屹立關城勢最雄高閣遠臨霄漢碧危
欄斜照夕陽紅歸鴻點點爭先集落雁翩翩入望中萬里
海天雲樹杳憑虛更喜月朦朧

道觀神鐘

隔斷紅塵紫氣堆仙家臺殿倚雲開海鯨製就迷青霧追
蠶年深繡綠苔百杵敲殘天未曙千門響徹夢初回飄飄
環珮空中舉又是朝元禮上臺

潼關縣新志

藝文志

四

中條雪案

大地平鋪莫辨踪中條山翠失芙蓉六花凍結銀爲樹亂
粉堆勻玉作峯縞鶴低回雲淡淡素龍蟠臥月溶溶豐登
喜見多嘉兆三祝堯仁效華封

秦嶺雲屏

百二秦峯亦壯哉四時景色護崔嵬氣蒸瑞靄雲屏擁光
絢晴霞錦幃開有意從龍朝象籟無心駕鶴上蓬萊何當
起慰蒼生望洒作甘霖遍九垓

風陵曉渡

周王曾此暫停軒陳跡千年今尙留傍圻人喧爭急渡開

西棹疾逆回流滿川草積寒光映隔嶼波搖曙色浮幾度
臨瀾動歸興不堪惆悵重沙洲

黃河春漲

水泮黃河柳作煙忽看新漲浩無邊飛濤洶湧驚千里捲
浪瀾漫沸百川兩岸曉迷紅杏雨一篙春棹白鷗天臨流
會憶登仙事好借星槎擬泛鶩

入潼關

張維新

烽色何年息羈心着處迷瑀戈辭海上玉劍引關西夜月
風陵渡秋空鮑雁低古來雄百二珍重一丸泥

吊楊伯起墓

潼關縣新志

藝文志

五

洒洒松丘下儼然見漢官黃金一土苴白日此胸肝節峻
華峯削風清隴樹寒君名堪立懦百代碣重刊

潼關行

清陸元鎡

北風吹雪天冥冥河流動地雷冬鳴片帆如席竟飛渡關
樓突出連雲平此關改設自漢起桃林古寨巖基局倚山
爲城削精鐵環河作塹鞭驚震關門我峨開四扇兀若八
柱承天庭他如武關與大慶樓櫓一一高峻嶒是名三關
俱要害更以此地爲堅城其西禁谷扼喉隘細路險與猿
猴爭當關一夫荷戟立萬馬却走暗無聲自從哥舒債戎
事爲魚百萬刀砧腥以後大齊僭位號失守遽作興元行

雁門司馬亦人傑坐令賊騎紛縱橫是皆天淵據形勝云
何先後同摧崩卽如函谷昔未廢重關千里兵連營西來
重墮沐猴爾一炬遂使蒼天頽乃知恃德古有訓扼險猶
在無佳兵國唇國齒講地利無乃所見皆書生方今車書
大一統赤寰向化黃輿寧外猶臥鼓况內地設此豈以防
憑陵我從蒲坂溯潼水時清各路頌由庚道旁有酒且復
酌醉呵凍毫歌西京回看太華雪亦齊玉女擎出蓮花青

潼關

李因篤

雲薄關河紫氣長帝樞曾此撼嚴疆河經百二開天地華
枕西南鎖雍梁戍火忽移函谷月征車多帶灞陵霜舊京
蕭索垂千古飛輓何由接巨航

關潼

王士正

潼津直上勢嵯峨天險初從百二過兩界中分蟠太華孤
城北折走黃河復隍幾見熊羆守棄甲空傳犀兕多漢關
唐陵盡禾黍雁門司馬恨如何

潼關

李柏

雄關截稟葦西京險甲中原天府名三國封疆分一水五
陵鎖鑰寄孤城王侯老去河山在指讓風衰戰伐生割據
由來非一姓豈獨失鹿是秦嬴

潼關

許夢麒

鎖鑰西陲重鎮存巖城高踞壯乾坤長河一線封天險太
華三峯壓地尊漠漠寒雲秦樹遠離離衰草漢宮繁只今
形勝仍關輔百二誰同帝國論

亂後回關登津樓暮望

楊端本

天險重關控雍疆巖城崇堞鎖金湯大河中斷分秦晉絕
塞東連歷漢唐百戰蓬蒿埋故壘十年烽火照沙場譙樓
日暮鐘聲起衰草離離野霧黃
東征大帥潰西還妖火連天逼漢關總有鐵戈環紫塞任
教銅馬度秦山鴉啼枯柳秋風裏鬼哭青燐夜月間何事
丸泥無可恃孤城寥落水潺潺

潼關縣新志

藝文志

七

鳳凰山上日無暉血滿長壕濺鐵衣東郭不聞金鼓震西
郊空有羽書飛千家野哭人離塞十月霜寒夜破圍最痛
忠魂殉社稷屍殘馬革未能歸

百年文物豪華地廢苑荒臺寂寞秋客子無家依古寺故
人何處傍林丘黃沙壁壘悲殘戍綠柳河橋憶舊遊永夜
柝聲聽不寐五更畫角起山樓

花落荒城依舊春燕歸無復舊時人朱門破壁留殘照白
晝飛沙起戰塵幾歲烽煙遷岸谷數家茅店市河濱瘡痍
滿目生愁慘山麓漁樵自結鄰

畢孝子

楊鸞

若木既有根醴泉亦有源根源相回互間氣何益蓋嗟彼
甕牖子力食良獨難豈不惜艱虞北堂有靈護黃鵠東南
飛哀音若杜鵑常恐寸草心不及松筠堅朔風激廣漠四
壁絕炊煙瞻彼商於道載咏南陔篇崑石鬱蒙茸履之凜
冰淵慈烏方啾啾白鶴竟翩翩松柏非不青塊苦非不寒
人間無白日地下無黃泉哀哉臯魚淚此義當經天銘旌
來萬里幽光終璘煇行人爲歎息歸報在貞賢不見階下
筍驚得龍孫

正學曲真儒僞儒辨

盛以弘

學者學爲儒而已儒之名一也顧學術不能無二三學術

潼關縣新志

藝文志

八

有三二儒品不能無真僞於是曲學與正學常雜出於儒
而真儒與僞儒每參伍於世蓋學而正必爲真儒學而曲
必爲僞儒此不待辨而明者然曲必托於正以樹標而僞
必假於真以求售是故研聖賢之簡編以晰理曰吾學爲
儒也依聖賢之宮墻以射利亦曰吾學爲儒也假靈竺乾
之幻妄譁衆取名亦曰吾學爲儒也據其行若同而察其
情則異聽其聲若合而考其實則判亦惟是幾微隱約之
不同耳而隱微之中不可控揣心可托而匿於迹迹可托
而匿於理吾將烏從辨之雖然天下未有內之不徵於外
者亦未有外之不本於內者譬之剪綵爲丹青碧紺紫駢

而觀之其色澤固足亂明徐而察之其神理當自立見真
儒之學術常主於爲己僞儒之學術常主於爲人爲己者
闡然自修講誦章闡蘄以明道迪德立仁蘄以完性外不
事赫赫之聲而探之中充然有餘味爲人者的然表暴探
索鈞深將以耀世標奇立異將以炫時外有皎皎之名而
測其中若敗絮康瓠蓋真儒淡而僞儒豔真儒之持論平
而僞儒之持論僻真儒之學術正而無陂實而有據措之
躬則清明推之天下國家則順治僞儒之學術蕩而不返
曲而不衷措之身則頗僻推之天下國家則阻礙是故辨
之於言光明簡易者正而艱深隱僻者曲切近精實者真
而浮虛弔詭者僞辨之於行純白端慎者正而回互隱伏
者曲質直惇朴者真而多方矯飾者僞斯可得而辨矣蓋
有陽則有陰有晝則有夜是故有正則有曲有真則有僞
物情之必然也吾恐世之不察使曲學得與正學同傳僞
儒得與真儒並稱也於是乎爲之辨

題朝政日弛官僚日索請補大臣並下考選等事疏

張惟任

題爲朝政日見廢弛官僚日益蕭索懇乞聖明亟圖修舉
以挽頽綱以維昌運事臣至愚極陋無足比數皇上不以
臣爲不肖載命巡按中州伏自念力綿才弱任大責重鯁

總焉惟不克肩荷是虞然仰藉寵靈勉竭鴛鴦鈍庶幾得當以冀報稱于萬一惟是臣跼伏旅邸候命二年私竊有概于中久矣今當遠役寧忍默默臣見我皇上比歲以來間出一令偶處一事皆非臣下意慮所能及真天縱聰明不世出之主也誰不舉手加額稱慶無已但仰窺聖意一似迫而後應不得已而後起其于國家關係最要最鉅者尙未見留神省覽銳意施行輒敢忘其狂瞽之愚略爲皇上陳之臣聞自古帝王莫不以用人行政爲第一義故時雍風動之世猶然詢四岳咨十有二牧都兪吁咈動色相戒而太和在成周宇宙間亦惟日昃不暇食夙夜不敢康尊

潼關縣新志

藝文志

十一

賢輔政之爲亟亟也今天下何如哉物怪人妖向已示象民窮盜起近亦見形若二東之荒旱相仍若兩河之蝗蝻傷稼若閩廣之洪水漂沒若黔南之苗仲作梗若蘇松之亂民輒放火以劫奪若宣鎮之呼庚思掉臂而投虜此天下何等時也且邇來七日以內風火爲災正陽之坊毀如摧枯隆德之殿化爲煨燼是乃天心仁愛既譴告之又從而警懼之矣假令三事九列之間元老當軸中外吃緊之地俊父充庭獻納得關其說展錯得行其志卒有緩急猶可恃以無恐奈何一切視爲不急之務幾幸旦夕無事以爲安耶夫涉大川者必備舟楫構大厦者必儲梁棟矧撫

鴻圖定四海有不藉賢良方正之選而修禮樂刑政之具者乎夫今之閣臣所謂平章國軍大事者也祖宗朝輪扉每三四人上以備顧問下以秉國成率精遴敷歷中外卓犖有聞者未嘗顯在詞林且揆席常煖期于協恭共濟耳茲內閣獨用詞林一途見在事者又止二員已非所以重鼎鼎之司矧次輔杜門日久陳情已悉尙望其肩鴻任鉅正色立朝乎當此時而不舉行枚卜則政本孤立誰與贊助必非隻身所能獨任者故閣員不可不亟復也今之六部都察院所謂八座之尊提衡百揆者也祖宗時衙門各設長貳朝序其職業夕商其可否皆博選老成有夙望者

潼關縣新志

藝文志

十一

布列左右要在綜事分猶政無愆忘而已乃官缺不補篆多旁攝初猶止一二衙門近則落落如晨星至如都察院風紀重地三堂闕無其人抑何以肅朝綱而糾官邪耶當此時而尙忍弗能予則諸務殷繁誰爲整頓必有廢弛而不修者故大僚不可不亟補也孰是朝廷耳目糾察之司夫非臺諫諸臣耶南北額設若而人豈其備員內之拾遺補闕外之激濁揚清責匪輕也今兩都則並稱乏人一人則常兼數事至于起復者不補考選者不下坐令索米長安壯心銷歇封駁巡察將何賴焉况催疏具在御前特一舉筆間而豸班鸞序充庭建明偉績自樹何不享衆正之

益而令其株守歲月乎孰是朝廷藩翰保釐之寄夫非司道諸臣耶省直額設若而人豈爲冗官或以總理錢穀或以整飭兵刑任匪細也近由調補來者困頓旅寓由賀觀行者久栖鄉里至于廢棄不復起遷謫不賜環致令墨吏犯科盜賊公行鎮摺彈壓其誰任焉倘將銓部補牘隨卽點用則旬宣明弼無缺振作輯寧有藉何不收得人之效而令其久淹林臯乎太倉太僕往可度支數年今且所在告匱重以兩陽不時饑饉海臻各省且仰給于京倉而都城數百萬生靈九邊數百萬將士卒有緩急何以應之皇上已允計臣之請業發數十萬金錢以濟邊儲三軍溫如

潼關縣新志

藝文志

十二

挾績倘無愛頻年之積更行大賚以寬民力並罷一切織造無名之費于凡阜財足民之術亟議修復則軍民獲更生之幸其荷仁恩祝萬年無窮極已神樞神機往皆常實不虛今且半屬烏有按籍則什伍相屬盡是食糧之人核實則占役多端誰爲荷戎之士卒有不虞殊可寒心皇上未俞樞臣之請虛糜數十萬糧草竟不開操三營習爲故常倘嚴諭府部諸臣日討軍實而淘練之按尺籍而覈實數老羸者更占募者禁則威武有復振之幾其備征討應撻伐有攸賴已刑獄國家大法宜平不宜濫者也今繫詔獄者八百餘人中豈無株連益覆而無所控訴者乎至如

懷忠抱赤之憇臣言甫出口而譴呵隨之久困園扉與諸囚爲伍非所以昭明允也臣願皇上下大轉陽春之和俯念劉光復言雖逆耳心實進忠憫其母逾八旬望眼欲穿慨然發慈悲而釋放之是天覆地載之量也不惟繫臣思竭頂踵將普天率土感頌聖度之優容矣興作國家重役不得已而後動者也今胡良巨馬二橋所費以巨萬計豈道路往來必待此而後啟行乎至如九重臨御之近地年復一年略不置意以至景色蕭索威儀黯黯非所以肅觀瞻也臣願皇上深惟締造之艱嚴諭各督監鳩工庀材日省月驗限以建豎之期落成之候毅然發帑藏以營繕之是

潼關縣新志

藝文志

十二

投珠抵璧之風也不惟復見當年輪奐將殊方異域快睹天朝之規模矣夫閣員補則密勿有同心一德之佐大僚補則部院有提綱振紀之人耳目聰明則見聞不致于壅蔽翰屏鞏固則區宇咸底于收寧優給軍需寬假民力則財源從此培養簡練營兵精核什伍則國威從此震疊狂狴清而淹滯解則和氣自召舂鋒勤而程限定則訖工自易凡此皆諸臣之所屢指而皇上之所厭聞者臣思爲久安長治之計實不外此卽欲創爲新奇可喜之談無當也惟在皇上設誠而致行耳乃臣所更慮者旱魃爲災河伯作祟無處不有亦無地不然東南倭警西北虜患無處不

備亦無歲不苦此豈晏然無事之時乎語云不見其形當察其影詩云天之方蹶無然泄泄在臣下抱方蹶之憂而蒿目蹙額披肝瀝膽仰觀天高而聽卑我皇上稱萬年之觴而以規爲瑱以異爲常未見從人而舍己日居月諸將何底止乎倘時事漸逼羽檄交馳欲任重臣以綜理而缺懸刃忍急不得一臂之效欲委逸才以濟艱而久困巖穴安所望一蹴之功欲用兵而兵無可用欲給餉而餉無可給行見海內脊脊多事矣臣愚不勝杞憂焉伏乞聖明大奮乾綱煥然維新乘春和時與天下更始用寰宇之賢才行祖宗之善政庶幾易危爲安反異爲祥感召天和挽回潼關縣新志

藝文志

十四

秦運此實一人無疆之福萬年有道之基宗社靈長之慶也不啻天下臣民幸甚矣臣無任激切惶悚待命之至

節婦韓氏旌門銘

有序

錢謙益

崇禎三年吏部文選清吏司郎中臣必顯臣言曾祖父元祖以諸生早夭曾祖母韓氏年二十有八毀容截髮瀕死自誓力作以奉舅姑血淚以育孺子茹荼攻蓼五十餘年州里言其狀監察御史將覆覈上請家本軍籍衛弁來索賄家人欲予之韓嚙指曰吾誓死守節若以賄得旌是毀吾節也乃罵絕之且死戒子孫勿復言旌表事臣祖承光累年外吏臣父振基數月省垣未獲具疏陳請臣遭逢聖

明待罪銓部敢昧死上聞伏惟陛下鑒百年之苦節閱三世之死孝幸得表署其門如制令其自臣祖父以下咸死且不朽制曰可於是草莽臣錢謙益舊待罪太史氏謹爲之銘銘曰巖巖衝關下有潼水注河激華龍門伊始神區帝戶風氣完塞彼都土女淑茂厥德有美韓姑來歸於孫嚴霜夏墜所天不存雙雙華顛呱呱襁褓閱予幼稚哀彼篤老寒燈雨侵收幃風擁哀哀血淚迸爲乳湮厥孤既立母節未署伊誰抑沒韎韐跗注民彝有當天咫不遐迥彼注茲發祥厥家子應星郎孫拜夕闈曾孫趾美前光後輝乃扣帝闈抗疏請卹帝曰俞哉汝表汝錫崇臺綽楔銀榜

潼關縣新志

藝文志

十五

漆書天晶日明照曜里閭冥冥長夜墓木已拱寒灰瑄飛重泉波涌皇明如日靡幽弗燭孰云百年蔽此鄙屋誰謂華高母節齊而誰謂潼遠母節逝而誰謂衝關峻不可仰烏頭雙表遠抗高掌舊史作銘勒諸樂石崇獎節義用詔罔極

潼關衛重修學記

呂

柟

高陵人
狀元

潼關衛學屬陝西而衛則直隸兵部蓋陝西之東境而河南之西塞也學宮在衛之右宣廟在學宮之左皆南面歲久圯壞漏斂於是衛指揮使孫君懋勳承宣重葺理焉自大成殿東西兩廡以至櫺星戟門皆易簷改棟變範申移

其朱壁漆龜琉璃黝發煥然生新而明倫堂四齋以及師宅生號亦皆次第重新考工始於嘉靖壬午三月落成於癸未冬十月於是士氣倍增文風不振教授曹君聰訓導郭君隆學生王蕃謝憲諸人謀石頌功乃以太學生吳錦至京問記以彰懋勳於不朽曰嗚呼懋勳予於正德初筮仕史官取道潼關懋勳以父郎中天常先生方務試禮部乃襲其祖清軒先生之職當是時束髦不勝冠然儀貌語論卽雅飭類儒者常陰器其不凡後數年間又力抗權宦雖瀕死而不悔則又未嘗不歎吾陝之有守也嗚呼是固宜有今日宮廟之舉乎且夫潼關險聞天下而壯在全陝

潼關縣新志

藝文志

十六

自成化至正德年來流賊遍毒九省而關中不擾豈真以其山巖之岑嶽兵革之堅銳哉則孫氏世守斯地之績亦不可少也昔晉郤縠悅禮樂而敦詩書祭遵雅歌投壺克敵取勝則懋勳其人也且斯學也自姚公深請建於正統其子琮徙置於衛西之後清軒先生亦嘗修於成化時矣而君能繩其祖武可不謂得孫道乎天常先生又常舉於弘治初矣而君能紹其孝思可不謂得子道乎夫宮廟之所申重者此二道其先務也乃吾懋勳已能身教斯士有提調之本矣豈啻一土木興作哉嗚呼衛之諸士其勉夫

張御史維任祠記

馮從吾

我明萬歷四十有八禩潼人士創先達侍御張公覺菴生祠成來問記余曰夫曷祠曷記且潼有不朽筆曷余記曰維潼有河而環潼皆山每夏雨暴注則河挾山水氾濫北湧輒沖圯爲人害未有障狂瀾者幸公首議得院司道諸當路千金助公益捐幾半堤若橋悉甃以石自創建水利而河患以平潼學官弟子幸主上廣厲今科名駸駸盛猶然守國初制公又力請於督學用兩臺令題得旨增廩額貢額比於州而茹拔廣建明新書院置學田以昌明正學而斯文賴以不墜是皆不世功倣諸甘棠畏壘故宜祠宜記而先生方明孔孟之道與公并冠冕人倫故記宜先

潼關縣新志

藝文志

十七

生余乃進而言曰祠哉記哉是公所嘉惠於爾潼者哉爾潼抑安所徵天幸以有公也惠天下而并及爾潼乎哉夫潼據河華上游控崤函俯河水蒲版蓋周晉秦一都會而公尊甫鳳山先生崛起於茲以鄉進士試重慶理未幾投紱歸弔唐虞之遺風溯伊洛之淵源倣橫渠之精思力踐杜門著述允矣其身爲律度其教公也又皆窮經致用盡人盡物之旨是以公自弱冠舉孝廉益明習主計民瘼一出爲賢令爲名御史所至尸祝有由爾余不敏請勿記其功記其學勿記其貽記其報勿記其祠記其人人者主祠者也報者永貽者也學者表功者也學益明功益著矣報

益衆貽益遠矣人益親祠益大矣故願爾人士處爲眞儒
天下觀明新之學非學非士也出爲純臣天下蒙明德之
治非治非學也始乎潼潼憤乎天下而公於鳳山先生之庭
訓益有光是公之學公之貽公之功垂千百世不朽爾人
士所以報公者亦垂千百世不易則是祠微特比諸甘棠
畏壘而已卽尼山鄒嶧并峙可也不然叙經始計工費修
規模公意當不在是又不然而徒登薦伏謁爲祠恐非爾
潼人士步趨先達也者余亦曷能爲若記曰唯唯願鑄諸
石懋勉焉永無忘先生言并無負公嘉惠之意萬歷歲次
庚申季春吉日

潼關縣新志

藝文志

十八

孫氏捐舍修學記

孫振基 給事中

昔鍾離意爲魯相出私錢付戶曹孔詵修孔子廟士論
之然未有捨宅而修之者聞姑蘇學宮係范仲淹所得錢
氏南園地以一家風氣公於萬衆而范亦奕世蟬聯卒食
其報若余先世捨宅事雖不敢希跡文正公而有功芹泮
蓋亦有不可湮沒者關門舊無學嘉靖壬寅歲兵使四明
周公嘉意文教且雅善堪輿理遂鼎建初割敝廬之半繼
乃盡割之而先師廟貌乃宏廠壯麗方是時也余曾王父
太學公慷慨義烈以資雄里閉初聞修學之議卽毅然唯
命微獨稱上臺意旨若曰使地靈於吾子若孫何如靈於

諸青衿世世也余王父無祿早世遂呼伯父及沔縣公昆
季商之咸不惜一枝之棲振斯文百代之脈於是盡捐其
有周公獎借隆渥給以屯地二分辭弗受繼給以劉氏沒
官房四楹亦弗受值繼當敝廬之十二三耳余孫自上世
來自池陽徙居金陵稱喬木族迨一割再割別營居室而
橐裝盡蝕稍稍中衰嗟乎苦矣然而不朽之功則在學宮
計學宮成日自余太學公始而又引潼水自南門而入繞
鳳山澗泮池關鎖既密朝拱有情周公嘉意斯文之心
於是大慰而余關門年來科第之盛人文之蔚及余孫書
香亦繩繩不絕豈非廟貌之既妥靈秀之攸鍾哉溯其淵
源蓋本余曾王父捐舍之力也昔稽中散園宅久矣邱墟
而父老猶稱爲稽公竹林嗟乎時移世改誰有過聖宮而
愾歎指點余居之坐落表先世之苦心哉此余致慨之由
然也孫振基曰余上世自池陽來徙躡躡擔簦受廬此土
直逆旅人耳未幾而居第都雅號稱素封又未幾而捐產
助學復仍貧窶余得之庭訓追憶往事蓋倍增悽惋猶記
余舍植古槐一株金銀藤一株幾大於拱翁鬱成蔭此與
文正公手植槐樹何異惜哉古槐存而吾藤不與吾學並
存也舍中庖厨間亦磚瓦布地時人咸重其遷卽監司周
公亦低徊久之而曾王父義激於衷曾不少靳識度遠宏

潼關縣新志

藝文志

十九

矣余微靈先澤備員梧掖兒子輩頗能箕裘先業然常恐此段苦情泯泯後世故欲筆之以詔來茲竊觀今世道紛爭人情凌競彼不難操戈入先聖之室何有於俎豆片席地肯爲護持者昔蕭何不治垣舍慮爲世家所奪余非謂人敢有奪聖人之宮者然觀魯共王欲壞孔子舊宅以廣其居聞壁中鐘磬聲得不壞世亦有此痴人而宋李仲永侍郎自立義學建孔子廟後以衰微不能追紹先志曾孫有烈遂築室於其基竟得重疾言雖怪誕然明乎學宮之當崇崇則善小子識之無忘前人義烈之功德則余所藉手以篤先祐者耳其與平泉告誡之意異矣曾王父諱璟

潼關縣新志

藝文志

二十一

太學生應除兵馬指揮未任卒王父諱元廩膳生中嘉靖己酉副榜早世伯父諱重光隱於農不仕父諱承光選貢沔縣知縣周公諱相浙江鄞縣人癸未進士潼關兵備按察使

重建楊太尉饗堂碑記

湯

斌

睢陽人兵備副使

華陰城東三十里有漢太尉楊公墓按本傳公於延光中爲太尉以忠直被放歸卒於夕陽亭順宗卽位門人虞放陳翼詣闕追訟公事詔以禮改葬於華陰潼亭祀以中牢此卽其地也予以丙申備兵潼關展謁墓下見兵亂之後堂墓頽廢周垣盡圮蔓草荒烟碑碣縱橫於是愾然而歎

曰是余之責也夫會歲荒歉未遑興作越明年乃謀於縣令劉瑞遠起而新之爲饗堂三間峻其垣墉旁廡屏門渠渠巖巖碑碣之仆者起泐者續役罔妨農材匪帑出兩閱月而告成予嘗讀漢史至公事未嘗不嗚咽流涕云蓋漢至安帝而亂極矣王聖以保母之勤與女伯榮出入宮掖金吾常侍轉通貨賂至劉環一配阿母女得襲侯封而下詔爲起津城門內第舍連楹列棟窮山採石車駕東巡晏然不顧何其憊也當是時公卿大夫奔走貴戚惟恐不及而公欲以區區一掌力挽推波抑亦難矣夫地震星變天之所以告誡人主者乃反借以收太尉印綬何其繆也卒

潼關縣新志

藝文志

二十一

之忠直旣殞寵幸益橫主勢孤危至於不測可勝歎哉或咎公以不早去嗚呼大臣之義不可則止豈公之賢而不明此乎意公以自高祖來楊氏世有功於國而公位列上相職匡社稷冀殺身而君或悟也當其時去明光之世未遠使帝側席悔過慨然於建武永平之不續屏絕寵倖委任忠直則東漢之隆倘或未艾觀其語門人諸子雜木布被數言千載而下誰不爲感泣者乃能致大鳥之祥而卒不能回安帝之聽此漢祚所以不永而公之無可如何者也於戲傷乎雖然公歿後子孫相繼爲太尉若秉若賜若彪並著清節衛主於崎嶇危難之際使卓曹輩睥睨神器

而不敢舉謂非公之餘烈使然歟儒者不察猥以潛身遠害之道議王臣匪躬之節吾未見其可也夫太華函谷之間由漢以來勳業著於當時名字勒於彝鼎者衆矣然皆湮滅無所考鏡至有牧豎箕踞嘯傲墓宮鄉里後進不復觀記四方遊士驅車之下亦無有肅然而起敬者而公自改葬以至於今雖屢經變革祠宇常有傾圮而子孫環廬居處歲時祭祀不輟今予一倡而縣令率其鄉士大夫響應恐後四方君子登其堂覽其跡者想見公之風聲氣烈猶低徊俯仰而不能去嗚呼是可以知公矣

哈提督傳

趙鵬超

潼關縣新志

藝文志

二十二

公姓哈諱連陞字易堂直隸密雲縣人少儻負奇氣沉毅英烈膽識軼倫輩有古名將風常從戎皖南北所向克捷屢立戰功爲多忠勇公所深器晉秩至記名提督賜號勁勇巴圖魯咸豐十一年擢潼關營副將年僅三十有五神采風發望而知爲偉人同治元年粵匪西竄由豫入陝循南山孔道迤邐數百里出滑峪折而東犯潼關翁赫芻霍直薄城下關人久不睹兵革論然震驚公帕首韉刀率民兵登陴誓死守連以巨礮轟賊騎數千賊稍却旋又繞南原窺險隙密造雲梯衝車分道夾攻公馳驟互應設方略悉破之又以鎗殪其渠酋如此六晝夜賊不得逞尋欲

渡河入管公謂知道壯士縋城設伏斫賊營賊驚潰遂引去先是公初蒞關日討軍實備器械繕城隍築牛馬墻或以多事請公至是賊圍城以有備獲免乃始知公之深謀壯略折衝機先洵非庸衆所能及豈不偉哉當其困守孤城內無赴敵勁旅外鮮虻蟻子之援賊鋒數萬鞞鞞殷殷刁斗聲徹城內一時人心洶懼風鶴類驚崩潰之勢易若摧枯使非公經營布置誕爲保障則城且暮破離離衆庶悉罹鋒鏑正不知蹂躪之苦糜爛之慘果伊胡底也然而關人幸蘇而公禍轉從此始矣初賊至難民四轉旄杏娟集城內戒嚴稽出入防奸細有紳某素驕橫靡遵約束

潼關縣新志

藝文志

二十三

公怒縛執欲斬以徇衆勸解某遂逸去會圍解回匪椒擾於西勝帥保督師入秦某資緣爲幕府譖公意懷觀望嚴檄趣公赴省援時回黨盤踞臨渭間某蓋借此以陷公公知不免然迫於公命不得已遂行至華陰敷水鎮回果森起公力戰被執幽繫浹辰不屈死從兵二百率殲焉免者僅數人訊至臺榭如失怙恃哭聲不絕閱數旬如一日予生也晚距公之死已歷三紀不獲睹其時事然每見吾鄉父老有言及紳某者猶切齒云

論曰寇亂以來死事者率得獎叙蔭子孫獨未及公誠憾事也雖然丈夫生世馬革裹尸固其素志紳某雖陷公然

公得以效死疆場歿於王事公則無遺憾矣小人之謀無往而不福君子信哉

趙門節婦任廖二宜人傳

自吾太高祖母王宜人以名族之女來嬪吾家柏舟矢志詳著邑乘煌煌然增吾族之榮寵繼其後者惟吾伯母任宜人與吾叔母廖宜人並垂大節實足以紹前徽而無愧光緒三年歲大飢吾伯父治琮公與叔父治理公先後見背時吾伯母年二十六歲僅一女叔母年二十八歲僅一子卽吾堂兄鵬儀時方三歲伶仃孤苦不謀朝夕或勸之再醮伯母曰若輩得毋謂我爲無子乎惟無子更不可以

潼關縣新志

藝文志

二十四

再醮無子而再醮是重傷亡者之心也吾何忍立斥絕之叔母則云無子猶不可再醮况吾有子尙可望其成立吾生爲趙氏人死爲趙氏鬼而已持論雖異詣各有當也伯母自孀居後潛心經典旁及淺鮮因果之書孜孜以勸導爲心老而彌篤常往來於潼華間薰其德而善良者數百家女界中稱祭酒焉叔母日以紡績爲事足跡不出里閭趨向與伯母稍異然淑慎寡言舉止胥中禮法族里嫻嫻翕然宗之則與人之敬禮吾伯母者又相髣髴焉至其冰霜之志松筠之操艱苦卓絕經百折而不回則固無幾微之或殊也豈不偉哉伯母卒於民國十四年十月享壽七

十有七叔母卒於民國九年七月享壽七十有三鵬超不肖終年在外均未請旌每一念及慚汗無地謹述梗概以俟後之闡幽君子得覽觀焉

胞姪鵬超曰當吾伯叔父先後棄養時惻惻獨立家貧子幼饘粥莫繼人世之不幸孰大於是然卒能矢志貞純揚麻百世以爲子孫光寵其爲幸又何如也蓋其不幸者在一時而其可幸者無窮期矣然亦豈獨吾家之幸也哉

潼關縣新志

藝文志

二十五

凡例第十四項音誤啼

地理志第三頁水峪下遺蒿岔峪

田賦志第四頁大戶誤戶大十一頁嘗論誤賞論

官師志第十頁第二十項共三誤三共

人物志

第二頁第四項王儀應拾頭誤接上文

第十二頁第十二項吾親誤吾親

兵事志第十一頁第十四項炮擊誤炮擊

藝文志第八頁第九項曲學脫學字

又第十五項假靈竺乾句上脫殫精沫泗之脈絡

却汗遠俗曰吾學爲儒也十七字

表 誤 勘

潼關縣新志跋

志者史之一體也故匪有良史才者必不能爲良志然苟通其義則班馬之鴻裁日暮遇之矣何必古人吾師縮青先生學識淵粹迥邁恒流昔年所著歷史評語佛山集佛崖叢談早已風行宇內膾炙人口近更編成潼關縣新志八篇曰地理曰建置曰田賦曰官師曰人物曰選舉曰兵事曰藝文循篇而讀之詳而不縟婉而多風洵名著哉昔康對山志武功王新城稱爲巨麗先生之作豈愧斯言遙望關門蒼茫沉鬱河聲岳色增重千秋者其必在斯志也夫茲當發刊敬題數語用誌景仰云

潼關縣新志


藝文志

二十六

中華民國二十年二月岐山門人段民達謹跋

乾隆商南縣志

(清)羅文思纂修



本書十二卷，據清乾隆十三年（一七四八）刻本影印。原書間有爛版、漶漫不清處，諸館藏本皆同，無法換配。